


Бисмиллагъи ррягъмани ррягъим!



АССАЛАМ

www.assalam.ru

НА ТАБАСАРАНСКОМ ЯЗЫКЕ

МУСУРМАНИН ГАЗАТ

№7 (56) июль 2008-ни йис. / Ражаб 1429 / Табасаран члалниинди вазлик саб ражну удубчлвур. Кымат 15 манат

ТЕБРИК

Ужувлан ваз ражаб

Варидарихъна гъаму жилин варитан ахю ужувлан ляхнар халкъ Гъаплурин ччвурнахъ ва Гъияматдин ахю йигъан анжагъ динагълийрихъна



Гъюрматлу гъардшар ва чйир!

Ражабдин гирами ваз улубкъбахъди учву мубарак аплураза. Учвуз фици рябкъюраш аьгъдарзуз, хъа амма узуз сачдин рамазандин ваз, хъа гъамус улубкъурайи ражабдин ваз гъаци накъ улукъганси гъибгъразуз. Гъаци вуйивали жилин хъаплу вахт хабарсузди уларикиан ккудубгурайивал тасдикъ аплура. Уьмур нирси ахмиш шула. Ва гъадму уьмриъ штар фицдар шулуш- къалудар, чиркиндар ясана марццидар ва акв крябхрудар- гъадрар ихъ ниятнанак бегъемди асиллу ву, фицики ухъу ухъуз ухъу Халкъ Гъаплуриз ибадат аплуз тувнайи вахт (уьмур) хъаплуз ухъу фициб ачухъвал улупураш. Ихъ киван ачухъвал артухъ аплуз ясана кам аплуз шлур анжагъ Сар Аллагъу Тааьла ву, гъаддиз ухъу ужудар, гирами йигъари Дугъкан ихъ юквар марцц аплувал, къадагъа дапнайибдихъан ва ухъуз хайирсуз вуйибдихъан ярхла хъуз ккунивалин ният ккун аплидихъа. Мумкинвал дабгну ражабдин вазли ушвар дисували, иллагъки хъадан июлин мани (гъизгъин) йигъари мусурман ксарин иман ва аьгъ аплувал артухъ хъибди ва гъаци аплували, иншаАллагъ, женнетдиз гъаиди.

Гъи ухъуз варидариз Аллагъу Тааьлайин теклифар клузид адагъуз къувват туври, Думу ухъкан рази хъпан бадали ! Амин.

Аьгмад- гъажи АБДУЛАЕВ,
ДУМД-дин председатель, РД- йин муфтий

МУСУРМАН КАЛЕНДАРИАН

Аль-Исраъ валь-Миъраж

Ражабдин вазлин 26-рилан 27-пи йигъаз вуйи йишвну Мугъяммад Пайгъамбар ﷺ Кябайин улихъ даахнади гъахъну. Думу ахю сесну уягъ аплуру: "Нивк'ан гъудужв, даахнайир!" Улар ачмиш гъаплган, Пайгъамбариз ﷺ Жабраил ва Микаил малаикар рякъюру. Дурариин гъизилихъди ва мержандихъди дабалгнайи успагъи лизи палат алабхънайи. Гъадрарин багахъ гъайвниз ухшар вуйи успагъи гъайванат дийибгънади шулу, дидик акв ктябхру хлинццарра кади шулу. Думу Буракъ вуйи.



НУМРАЙИЪ:

2

МУСУРМАНИН ФАРЗ

Гъяждин вари терефар фикирназ гъадагъуб



3

ХАЙИРЛУ СЮГЪБАТ

Нюкягъ



6

ИЧ РЕДАКЦИЯЙИЗ КАГЪАЗ

Учуз гъубзрайиб увуз чухсагъул пувал ву



7

ХАЙИРЛУ ТЕКЛИФАР

Зубдатул Ислам



МУСУРМАН КАЛЕНДАРИАН

Ражабдин вазликан

Ражабдин ваз гирами шубуб вазликан сабпиб ву (Ражаб, Шябан ва Рамазан). Гъадму вазар Къудратлу Аллагъди Чан лукларихъна ахю гъюрмат аплурдар ву. Пайгъамбарин ﷺ гъядисарикан сабнубдиъ гъамци дупна: "Эгер учвуз аьжлин улихъ архаинвал, шаду аьхир ккундуш (Имандихъди йиклувал) ва шейтнихъан дюрхну ккундуш, гъаму вазариз гъюрмат аплинай, ушвар дисбиинди ва ктучлву гунгъарин гъайифвал зигбиинди".



Гъадму вазариъ Къудратлу ва гъарсабдикан аьгю Аллагъди ужудар ляхнар, ибадат аплбаз лигну артухъди ужувлар тувру, кивантлан швумал гъахъидарин гунгъарин аьфв аплуру. Гъаци вуйиган, мусурмнарариз Аьхиратдин Йигъан терезарин гъагъ ужувлахъинди гъачлабккуз мумкинвал шулу. Къудратлу Аллагъдин ﷺ гъамциб ужувлакан мянфяаьт ктрабгъувал ахмакъвал

ву ва мусурман касдиз гъаци дарапувал лайикъсуз ляхин ву.

Пайгъамбарин ﷺ гъядисарикан сабнубдиъ гъамци дупна: "Эгер учвуз аьжлин улихъ архаинвал, шаду аьхир ккундуш (Имандихъди йиклувал) ва шейтнихъан дюрхну ккундуш, гъаму вазариз гъюрмат аплинай, ушвар дисбиинди ва ктучлву гунгъарин гъайифвал зигбиинди".

Ужувлаз пешкеш тувувал ва гунгъариз аьзаб гъадабтлвал Ражабдин вазлиъ гизаф ражари артухъ шулу. Ражаб гъацира Аллагъу Тааьлайи дявйир гъаху-вал, гъалмагълар аплувал, ифдин къисас алдабгъувал къадагъа дапнайи юкъуб вазликан (Ражаб, Зуль-Къайда, Зуль-Гъижжа, Мугъяррам) сабнуб ву.

Ражаб Къудратлу Аллагъдин ﷺ ваз вуди гъисаб аплура, гъадму вазлиъ къадарсуз ахю ужувлар ва жумартвалин ляхнар гъаьбаз лигну.

Ражаб клуру гафнаъ шубуб гъарф а (аьраб алфавитдиъ ачухъ гъарфар адар): "р" гъарфну "рягъмат" (Аллагъдин жумартвал), "ж" гъарфну- "журмул аьбди" (Аллагъдин лукларин гунгъар), "б" гъарфну - "бирру лагъи Тааьла" ➤5

ГЪИЯМАТДИН ЙИГЪАН УЧВУЗ ККУНИ КСАРИХЪДИ ХЪИДИЧВА

ГЪЯДИС

МУСУРМНИН ФАРЗ



Мугъаммадрасул ОМАРОВ

ДУМД-дин пресс-секретарь

mr-omarov@mail.ru

Гъяждин вари терефар
фикирназ гъадагъубДагъустандин муфтийин гъяждин месэлириз
лигру заместитель Агъмад- гъяжи
Мягъямедовдихъди вуйи интервью

Майдин ахирариь
Москвайиь Урусатдин
гъюкуматдин багахъ хъайи
гъяждин месэлириан вуйи
Советдин заседание кљули
гъубшну.
Гъадушваь регионариз
гъяждиз гъягъюз йишвар
тувбан ва гъяждиз гъягъювал
тешкил аплу гъяж- компаниир
улупбан месэлиир гъял
гъаплнийи. Гъаму месэлиир
гъял аплбахъан гъяж-
операторар чпин ляхнихъ
хъюгъну. Гъаму йисан гъадму
ляхин кљули гъабхувалин
вазифа «Арафат», «Баракат»,
«Кавказ», «Зам- Зам» ва
«Муздалифа» компаниир
табшурмиш даплна.
Документар къабул аплру
сифтейин йигъари узу
Дагъустандин муфтийин
гъяждин месэлиириз лигру
заместитель Агъмад-
гъяжи Мягъямедовдихъди
гюрюшмиш гъахъунза ва
гележегдиь гъягъюз ккайи
гъяж кљули гъабхбаь фицдар
цйийивалар ва дигиш'валар
арайиз дупнаш дугъкан
ктибтувал ккун гъаплунза.

- Агъмад- гъяжи, гъаму йисан
гъяждиз гъязурлугвалар гъахбаан
цйийивалар арайиз дупнайклан?

- Ккудушу йисарихъди тевган саб
жерге дигиш'валар арайиз дупна
Ухъуз ккундаршра, хъа амма гъяждиз
гъягъбаз ахъру харжарин ккиматар
за гъахъну. Гъаци вуйивал учкан
гъичра асиллу дар. Вари дюнъяйиь
арайиз гъюрайи дигиш'валари ухъу
чпихъан ярхла аплурад.

Ккиматар за хъувалин сабпи сеbeb
Меккайиь Гъярмдин (мист) гъи-
рагъ- бужагъ вуйибси (500 метрийн
радиусдиь) къайдайиз хуб метлебни-
инди гостиницир гъадаргъну, гъаци
аплували 500 агъзурилан зина йишвар
кам гъаплну. Гъаддиз Меккайиь яша-
миш хъпан бадали удучлвру харжар 2
ражну за гъахъну. Къюбпи сеbeb- вари
дюнъяйиь нафтлин ккиматар за хъу-
вал ву. Гъаци аплували самолетдиьди
гъягърудариз вуйи ккиматари хайлин
тясир аплиди.

- Вари гъисабар фикирназ гъа-
дагъбалан къаляхъ транспортдиьди
гъягъюз фукъан пул герек хъибди?

- Зиихъ дупнайи компанирихъди
гъяждиз гъягърудариз улихъ ккимиди
гъаму къадарнаьди пул туввал алаб-
хъиди:

Самолетдиьди:

Мягъячгъала – Медина, Жидда –
Мягъячгъала — 82 500 манат;

Мягъячгъала – Акаба, Акаба –
Мягъячгъала – 65 агъзур манат;

Мягъячгъала – Дамаск, Акаба –
Мягъячгъала — 69 агъзур манат;

Баку – Медина, Медина – Баку —
64 900 манат;



Жилиинди вуйци транспортдиьди
гъягърудариз 23 600 манат

- Дагъустандин гъаму йисан
швнур касдихъан гъяждиз гъягъюз
хъибди?

- Ахиримжи вахтна Москвайиь
гъабхи заседаниейиь гъаму месэлай-
ин зиин гизаф къадар улхбар гъахъ-
нийи. Вуйиштлан, жюрбежюр йисари
гъяждиз гъушдарикан 80 процент-
Дагъустандин агъалир ву. Гъадму
месэла фикирназ гъадагъну, учу 15
агъзур йишв ккун гъаплунча.

Хъа амма Кафари Кавказдиз
тувнайидар анжагъ 12 500 йишв ву.
Гъадарикан Дагъустандиз 8 агъзур
йишв тувну.

- Гъубшу йисан жилин транспорт-
диьди гъягъюз аьшкъ айи хайлин
ксарихъан транспортдиз документар
тувуз гъабхъундайи. Гъаддин гъякь-
наан хайлин улхбар- рахбар гъахъ-
нийи. Гъаму йисан жилин транспорт-
диьди ва самолетдиьди гъягъруда-
рин къадар фициб хъибдийклан?

- Учу гъарсар кас чаз хуш вуйи
транспортдиьди гъауз гъязур вуча, хъа
амма тасдикъ даплнайи къайда тамам
даплну ккунду. Дагъустандиз жара

даплнайи 8 агъзур йишвкан гъяждиз
гъагърударин къадар сабси жара даплна
яни 4 агъзур йишв жилинтранспорт-
диьди гъягърудариз ва хъадмукъан
самолетдиьди тирхрудариз.

Ихъ агъалири гъисаб аплура, фици-
ки гъяж тешкил аплбан ва жюрбежюр
жара месэлиир чпиз ккуниганси гъял
даплну ккунду, кљури. Гъарсар кас
гъавриь духъну ккунду, фицики вари
дюнъяйиь арайиз гъюру гъядисйири
ухъузра тясир дараплди гъитурдар.
Гъяж тешкил аплвал ва душваз гъау-
вал гизаф къадар жямаятлугъ теш-
килатарин кюмекниинди арайиз гъю-
райиб ву. Нагагъ сабнуш идарайи чан
ляхнихъна зяифвал улупиш, гъаддин
тахсир учъин алаплури шулу. Мисал
вуди гъадабгъиш, эгер Урусатдин
таможенный пунктнаь гъавриь адру
ляхнар арайиз гъафиш, тахсирклар
учу шулача. Эгер ухъу гъяждиз гъягъру
уьлкйириь вари аьдабар дюзди тамам
аплури гъахъиш, гъадму фарз артухъди
хасият буш дархъиди кљулиз адабгъуз
хъибди.

- Диндин идарайиз чпи гъяж-
диз пулсузди гъаувал ккун аплури
илтликрудар гизаф шулу. Гъеле
гъамцдар хабрарра деетури шулу,
фицики фицдар вуш ксар фицдар
вуш сеbebаринди гъяждиз гъагъри
шулдар, кљури. Гъаму месэлиир учву
фици гъял аплури шулча?

- Учу гъяждиз пулсузди гъаайчва,
кљуру суалар хъади учухъна кми-
кмиди илтликрудар шулу, хъа амма учуз
гъацдар ксариз кюмек аплуз ккундушра,
хъа амма учуз гъацдар мумкинвалар
адарчуз. Гъадму месэла ихъ ватанагъ-
ли Сулейман Керимовди гъяждиз
гъягърудариз вуйи йишварин ккимат
чав тувбахъди аьлакълу вуйигансира
рябкъюра. Гъадму йишварин гъякьна-
ан учухъна гъич сар касра илтликундар
ва учуз шли ва фици гъадина гъаънуш
хабар адарчуз. Я Диндин идарайи,
ясана учу сачдин йисан пулсузди гъяж-
диз фужклар гъаундарча. Гъаци вуйи-
ган гъамцдар суалариз учухъан жава-
барра тувуз шулдар.

- Хайлиндари гъар йисан саб
жюрейин ксар гъяждиз гъягъюру
кљури аьрзар аплури шулу. Ва гъадму
сеbeb вуди гизафдарихъан сабпи
ражну вуди гъяждиз гъягъюзкъана
шуладар, кљура. Эгер гъяждиз гъягъ-
юз ккуни вари ксарихъан гъягъюз
мумкинвал дархъиш, гъаплбанди
вучва?

- Ав. гъар йисан гъяждиз гъагъру-
дарин саб къадар процент ксар а.
Хъа амма дурарин къадар лапра цйиб
ву. Дурар вахтнинди гъяждиз гъягъ-
юз кљури чпин документар туврудар
ва жюрбежюр жара шартлар тамам
аплрудар шулу. Амма учуз гъяждиз



мягъянай пуз - къадагъа аплуз ихтияр
адарчуз. Хъа амма сар кас ахиримжи
йигъари гъафиш ва чан документар
къабул аплвал тлалаб аплуруш, думу-
ган, багъишламиш аплинай, учухъан
кюмек аплуз шлу ляхин дар. Вахтназ
улихъна гъачай ва гъадмуган учу гъяж-
диз муганаз гъушдаринтан ухди доку-
ментарра къабул аплидича. Гъадму
жюрейин аьрзар аплрудар команда
дюзмиш аплурача кљурударихъна чпин
документар тувдар шулу. Гъаму йисан
учу гъацдар дюшюшар дархъбан бада-
ли команда дюзмиш аплайиз улихъна
къабул аплидича.

Гъар йисан гъяждиз гъягърудариз
аьгъяди ккунду: му туриствалин гъягъ-
ювал дар ва курортариь шлу шараитар
мушваь яратмиш аплуз шлу ляхин дар.
Месэла фукъан читинуб вуди рябкъю-
рашра, хъа амма думу гъял аплуз шлуб
ву. Гъаддиз вахтнинди жвуву фикир
даплну ккунду. Вари ихтилатар- хабра-
ри гунагъвалихъна гъахуру. Гъит ухъу
Аллагъди гъякълу рякьюин алаьри!

- Исламдин имбу терефаризси
гъяждизра ухъуз фарз ва къадагъа
даплнайи терефарикан аьгъяди
дубхъну ккунивал тлалаб аплуру чан
илим ади ккунду. Хъа ухъу бязи вах-
тари гъяждин месэлайихъна дубхъну
ккуни саягънинди янашмиш шул-
дархъа. Эгер дидиз гъяж- кампания
кљуруш, белке учву аьгъювалар гъа-
дагъбан курсар гъахури шалча?

- Ав, гъяждиз гъягъювали имбу
фарзаритлан артухъди аьгъювалар
тлалаб аплуру. Гъаддихъна дериндиан
гъязур духъну ккунду. Гъарсар касдиз
сабпи нубатнаь гъяждин тлалабар фиц-
дар вуш аьгъяди ккунду. Учу докумен-
тар къабул аплуз хъюгъю садпи йигълан-
мина фарздин гъякьнаан аьгъювалар
тувбан ляхин гъабхури шулча. Гъадму
метлебниинди Мединайиз гъягъбан ва
рякъярихъди аьлакълу вуйи буклетар
гъязур аплури шулча. Йишваринин семи-
нараь тешкил аплури шулу. Гъяждиз
гъягъру вахт улубкъайиз улихъна гъар-
сар имам гъяждин гъякьнаан гъаврикк
ккауз буржлу ву. Амма гъарсар кас
чан хушниинди аьгъювалар гъадагъуз
чалишмиш духъну ккунду.

Ккудушу йисариси дарди гъаму
йисан гъарсаб таможенный пунктнаь
ич вакил хъиди.

«Ассалам» газатдилантина ккудушу
йисари гъяждиз гъягъбахъди аьлакълу
вуди фицдар камивалар гъахънуш
ва гъаму йисаз ичв фицдар теклифар
аш, учуз хабар дебккуб ккун аплурача.

ГЪЯДИС **АЛЛАГЪДИ УЗУЗ ТУВНАЙИ ЛИШНАР ГЪАДАГЪУЗ ККУНИДАРИ ГЪИТ ЙИЗ СУННАЙИН ТЕРЕФ УЪБХРИ, ХЪА ЙИЗ СУННАТ НЮКЯГЪ ВУ**

ХАЙИРЛУ СЮГЪБАТ

Мугъяммад- Закир ЮСУФОВ,
«Ассалам» газатдин
редколлегияйин член

Нюкягъ

Гюрматлу мусурман гъардшар ва чйир! Гъийин вахтна варитлан асасуб ва мусурман ксариз аьгъяди ккуниб нюкгъин месэла ву. Хусуси тажрубайи ва газатдин редакцияйиз гъюри шлу кагъзари тасдикъ аплурайиганси, му месэлайихъди гъарсар мусурман кас фила духънура аьлакълалу шулу.

Нюкягъ му йикърар ву, диди балинна швушван арайиь айи аьлакыйир мягъкам хъуз ва сатлиди баркаллу уьмур хъаплуз рякъ ачмиш аплуру.

Думу кюгъне исламдин къанунариланмина дурнайиб ву – Адамдилан ккебгуб ихъ гъийин йигъаризкъан давам шулайиб ву. Гъацира нюкягъ женнетдиъра клули гъабхиди. Эгер ухъу нюкгъин хайирлуваликан улхуруш, дидин къяляхъ ирсназ ва тухумдиз гъубзрайиб вари нюкгъин натижа даринхъа?! Нюкгъи гъацира инсанар къяппавалихъан, къадагъа дапнайи ляхнарихъан урхъюру (ярхла аплуру).

Нюкягъ аплувал Къуръандин ва Пайгъамбарин ﷺ гъядисарин бинайиин алди арайиз гъюру. Гъаци вуйивализ исламдин аьлимарира (ижмагъ) разивал улупура.

Къуръандиъ гъамци дупна (мяна): «Учву учвуз хушлу дишагълийир хпарди гъадагъурачва», яни учвуз гъялал вуйидар. Хъа хпарди гъадагъуз къадагъа дапнайидар фужар вуш, Къуръандин жара аятди жаваб тувра (мяна): «Учвуз ичв



дадйир, веледар (шубар), гагайиинди ва дадайиинди вуйи халийр, хуттлар, чъйирин ва чйирин веледар, никкдин дадйир, ичв хпарин дадйир (сижар бабар), ичв веледарин хпар, сатлиди къюр чи, никкдин чйир, хъа гъацира зиихъ улупнайидарин асас тухмар хпарди гъадагъувал къадагъа дапна». Гъацира жвуван хпирихъди ва дугъан халайихъди сабишвъинди нюкягъ аплуз хай шулдар.

Мугъяммад Пайгъамбарин ﷺ гъядисдиъ дупна: «Учву нюкягъ аплурачва, яни хпир гъадагъурачва, йиз уммат артухъ шула. Гъякълу ву, узу Гъияматдин йигъан учвъин уткан (шад) хъидиза». Пайгъамбарин ﷺ жарануб гъядисдиъ дупна: «Аллагъди узуз тувнайи лишнар гъадагъуз ккунидари гъит йиз суннайин тереф уьбхри, хъа йиз суннат нюкягъ ву».

Нюкягъ хпирихъди аьшкълу уьмур хъаплуру, швушвди гъадагъурихъ хъаплуб (тувруб), хал- цла, палат айири аплуру. Къадагъа дапнайи ляхнарихъан жвув урхъбан ва жвуван дин клули гъабхбан бадали гъадму касди диндиъ улупнайидар клулиз адагъуршра ясана клулиз адагъурдаршра, нюкягъ дапну ккуниб ву. Эгер сар касдиз швушв хуз дугъахъ хъаплуб адарш, дугъу чан иштагъвал ушвар дисбиинди ккебкнуну. Ва гъаддихъди сабси дугъу Аллагъу Тааълайин терефнаан саваб гъадабгъуру. Шагъват (аьшкъ) адру касди хпир гъадагъувал ярамиш шулдар. Аьхю яш дубхънайири лапра жигъил хпирди гъадагъувалра ярамиш шулдар. Хпирна жилир саб яшнандар вуш ужу ву. Гъацира фицдар - вуш себбар ади чпин жилирвалинна хпирвалин вазифийр клулиз адагъуз

даршлудар хпирна жилир духъну ккундар.

1. Хпирди гъадагъурайир ришди гъузнади ккунду.
2. Хпирди гъадагъурайир динагъли ва Аллагъ ккун аплурр вуди гъахъиш ужу ву.
3. Швушв къялан саягъниинди уччвур вуш ужу ву.
4. Думу веледар бабкан хуз шлур вуди ккунду.
5. Думу жилириз ккунир духъну ккунду.

Пайгъамбарин ﷺ гъядисдиъ дупна: «Юкъуб лишан хас вуйир швушвди гъадагъуб лазим ву:

1. Шейъ - шюйъ айир
2. Уччвур
3. Ужуб хизандиан вуйир
4. Динагъли кас, эгер думу гъацир

вуш, увуз гъарган гъадугъахъди уьмур хъаплуз ккун хъибдивуз.

Мугъяммад Пайгъамбарихъан ﷺ гъерхнийи: «Швушвди гъадагъуз фунур дишагъли ужур ву?»

Дугъу жаваб тувру: «Гъадму гъяркъган чан жилир шад шлур, дугъаз мютюгъ вуйир (талабнаъ ва буйругънаъ). Эгер чан жилир фтихъна вуш хушсузди янашмиш шулуш, думура гъаци янашмиш шулу».

Эгер учву зиихъ улупнайи шартлариз асас духъну хпир гъадагъиш, думуган ичв гъаму уьмриъ хъуркъувал хъибди.

Хпирди гъадагъурайи дишагъли фикирлу ва намуслу хизандиан хъувал лапра ужуб ляхин ву. Швушвхан гъидитнайир хпирди гъадагъуруш, гъадму дишагълийин муганаздин жилирихъди вуйи гъиссвалар ва аьлакыйир гъузну ккундар. Думу аькъюллу ва эдеблу хизандиан вуйир, жвуван диндиз, багъри абйир - бабариз гъюрмат аплурр духъну ккунду.

Мугъяммад Пайгъамбарин ﷺ гъядисдиъ дупна: «Учву ичв хизандиз хпир кадагъай, гъякълу ву, хпари чпин чъйириз ва чйириз ушхар вуйидар бабкан хуру».

ДЕРБЕНТДИЗ ГЪЯГЪБАКАН

Асият ГИТИНАМЯГЪМЕДОВА

Ужудар фикрар гъитну

Мягъячгъала шагъриъ айи Мамма Дибир аль-Рочийин ччвурнахъ хъайи теологияйин ва диндин аьгъювалар тувбаан вуйи Институтдин багахъ хъайи гуманитарвалинна педагогикайин колледждин студентариз адлу шейхар, аьлимар, гъадрарихъди гъилихдар кивнайи гирами йишвариина гъягъювал аьдати ляхин дубхъна.



Аьдатнаъ абхънайиганси, урхъбан йисан аьхирарь мялимар ва студентар кюгъне Дербент шагъриз гъягъювал тешкил гъаплну. Дурар Нарин-гъалайиз гъушну. Мугъяммад Пайгъамбарихъди ﷺ сатлиди ляхин гъаплдарин, ихъ республикайиз Ислам гъабхидарин накъвариина (никъариина)

гъушну. Педагогари ва урхурайидари улихъ ккимидитлан гъадина гъягъюз гъязурлугар гъухнийи. Рякъюъди гъягъюрайи вахтна мялимари чпин студентариз гъадму йисари гъахъи тарихи гъядисйириккан ктибтнийи.

Колледждиъ урхурайидари дюыйир, мевлюдар, зикрар гъурхнийи.

Колледждин администрацияйи, педагогвалин коллективди ва студентари аьраб члалнан дарсар кивру мялим Мугъяммадариф Дарбишевди Дарбишевдиз аьхю чухсагъул мялум аплура, хъа гъацира ИТиРин студентар вуйи Мурад Гъяйдарбеговдиз ва Мягъмуд-эфенди Шейхмягъмедовдиз. Дурари студентар зияратди-

на гъягъювал ужуйи тешкил гъаплну.

Кюгъне Дербентдин гирами йишвариина гъягъюваликан вуйи гъиссар дурари къаназ чпин юкварь урхиди. Диди Исламдин тарихдикан аьгъювалар гъадагъуз, кюгъне Дербент шагърин тарихдихъди таниш хъуз, Мугъяммад Пайгъамбарихъди ﷺ сатлиди ляхингъаплдариканцияйи аьгъювалар гъадагъуз кюмек тувну. Чпи студентари клурайиганси, «гъаму ляхни учуз уьмриккан гизаф улупну. Гъит Аллагъу Тааълайи учуз аьгъюваларихъна вуйи чалишмишвалар артухъ аплуз кюмек туври ва учуз тешкил гъаплу зияратди берекет туври! Амин»

ИЧВ ВЕЛЕДАРИЗ УСПАГЬИДИ БИКИУЗ УЛУПАЙ. ГЪЯКЪЛУ ВУ,
ДУМУ УЛАРИЗ АЬШКЪЛУВАЛ ВА КИВАЗ ШАДВАЛ ВУ

ГЪЯДИС

КОНКУРСАР

Алия МУСЛИМОВА

Каллиграфия успагьиди бикибан искусство ву. Дидиз лапра артухъди аьраб Востокдин медениятди лапра аьхю кьимат туври гьахънийи.

Яратмиш апбарин гьаму жорейиз асас йишв улупури гьахъну. Думу гьаддихъди аьлакьалу ву, фицики Исламди чиви гьайванатар, шейъарин шиклар зигувал ярашугъ ляхинси гьисаб апурдар, ари гьаддиз мусурнари каллиграфияйиз-ихтияр тувнайи искусствойин жорейиз асас йишв жара апури гьахъну.

Вахтар гьагьбахъ цийи жорейин хатлар арайиз гьафну, муганаз айидар цийи кьайдайиз гьахъну. Гьамусяаьт варитлан яркьуди тарагънайидар ва адлу духънайидар аьрабарин карчбарин 7 жоре а: ас- сульс, ал- кудж, ан- насх, аль- иджаза, аль- фариси, ад- дивани, ар- рук,а.

Дагъустанди каллиграфияйин конкурсар гьахувал аьдатнаь ипна, гьеле вариурусатдин дережайиьра кмиди. Гьаци вуйивалиин аьламат хьуз ляхин адар. Фицики муганайиз аьхюнуб пай китабар (дафтрар) хилъинди адагъури шуйи. Буйнакск шагъриь ади гьаьби Мавраевдин типо-

Каллиграфияйин конкурсдин натижйир



графия яркьу ад айиб вуди гьабхъну. Гьеле гьаму вахтназкъан гьарсаб гьулаь варжариинди китабар гьузна. Дагъустанди вари мусурман дюньайиз адлу каллиграфар – Урибайин вуйи Гьазимугьаммад, Гьазанишдиан вуйи Гьясан тувну.

Магъа Хасавюрт шагъриь Имам Шамилин ччурнахъ хъайи Кавказдин халкъарин Университетдин теклифниинди аьраб каллиграфияйин вуйи Вариурусатдин ачухъ вуйи конкурс

клули гьабхури йирхъуд йис ву.

Дидин иштиракчийрин кьадар йислан- йисаз яркьу шула. Эгер садпи йисан конкурсдиз 30- рихъна бикбар хътаьнийиш, хъа гьаму йисан дурарин кьадар 115 вуйи, конкурсди иштирак гьахъидарин кьадар 80-рихъна ксар вуйи. Комиссия сабсана ляхни рази ктаура, фицики гьаму конкурсди жара динарин вакиларра иштирак гьахъну.

Гьаму йисан Ахва райондиан вуйи Абдулмутал Нурмягьмедов гьа-



либ гьахъну, кьюби йишв теологияйин ва диндин аьгьовалар гьадагъбан Институтдин кьюби курсан студент Мурад Мягьаммедовди гьазанмиш гьапну. Хъа шубубпи йишв Дагъустандин исламдин университетдин студентар вуйи Абдул Таймасхановди ва Шейхмугьаммад Исабеговди чпин арайиь пай гьапну.

Конкурсди гьалиб гьахъидари кьиматлу призар гьадагъну. Гьацира комиссияйи конкурсди иштирак гьахъи жара ксариз Гьюрматнан грамотийир тувнийи.

Конкурсдин натижйиринди багъишар туввал ва яратмишарин выставка Р. Гьямзатовдин ччурнахъ хъайи Республикайин библиотекайиь клули гьубшну.

Майдин аьхирариь Хасавюрт шагъриь Кафари Кавказдин жигьил аьлимарин конкурс клули гьубшну. Тешкилувалин комитетдиз Дагъустандин диндин идарайин адлу ксар, «Киргу» клуру алверин Хулан гьул- лугъчийр, Саидбег Даитовдин ччурнахъ хъайи Исламдин университетдин мялимар ва исламдин урхбан жара заведен- ирин мялимар дахил гьахъну. Гьадму тешкилувалин комитетдиз ДУМД- дин председатель, РД- йин муфтий Аьгьмад- гьажи Абдулаевди регьбервал тувнийи.

Кьюб пайнакан ибарат гьахъи исламдин аьгьовалар улупбаан вуйи талитарий Дагъустандин ва Чечняйин 8 - рихъна набалугъ мусурмар иштирак гьахънийи.

Сабпи пай- гьагьбануб- 22-пи майдиь, хъа кьюби пай – финалинуб- 23- пи майдиь клули гьубшнийи. Конкурс гьамцдар жорйириан тешкил гьапнийи: гьудган, илмар ва гьифз.

Комиссияйиз дагъустандин адлу хъу- хьур аьлим- дикан ибарат вуйи. Дидиз регьбервал тувур С. Даитовдин ччурнахъ хъайи Исламдин университетдин проректор Аьгьмад- гьажи Исаев вуйи.

Конкурсдин вари табшуругъарин кьяляхъ гьифздидан (Кьуръан кьваьланди урхувал)ишвар гьаму саягъниинди пай гьапнийи: сабпи йишв Къарабудагъкент райондин Губден гьульан вуйи Абдула Гьаруновди гьадабгънийи ва дугъаз Гирами Кьуръандин дафтар ва 3 агъзур доллар тувнийи (приз вуди). Кьюби йишв Леваша гьульан вуйи Мягьамед Аьлигьажиевди гьадабгънийи, дугъаз аьрабарин жорбежур дафтрар ва 1 агъзур дол-

Жигьил аьлимарин бажаранвалар



лар тувнийи. Шубубпи йишваз Хасавюрт шагърин Сайидмугьаммад- гьажи Абубакаровдин ччурнахъ хъайи Исламдин университетдин вуйи Гьясан Даудов лайикьлу гьахънийи. Дугъазра саб кьадар дафтрар ва 500 доллар тувнийи.

Гьудган апуз аьгьовалиан сабпи, кьюби ва шубубпи йишвар Ботлих райондин вакилари гьазанмиш гьапнийи: Мугьаммад Абдулмажидовди, Абакар Муртазалиевди, Аьгьмад Гьясановди. Дураризра жорбежур пешкешар тувнийи.

Варитлан читинуб пайнаан- илмариан вуйибдиан- Хасавюрт шагъриь айи Имам Аш,арийин ччурнахъ хъайи Исламдин университетдин студент Абакар Абакаров гьалиб гьахънийи. Дугъаз 1-пи дережайин диплом ва ВАЗ- 2110 маркайин автомобиль тувнийи. Кьюби йишв (кьюби дережайин диплом, 2 агъзур доллар ва компьютер) Абдурягьман Якъубовдиз тувнийи (гьадму университетдин студентдиз). Шубубпи йишв Хасавюрт шагъриь айи С. Даитовдин

ччурнахъ хъайи Исламдин университетдин студент Исмаил Эльмурзаевди гьазанмиш гьапнийи (дугъаз диплом, компьютер ва 1 агъзур доллар тувнийи).

Дидланна гьайри, гьадму конкурсдин финалий иштирак гьахъи вари ксариз ужуб приз тувнийи- варж- варж доллар. Варитлан набалугъ иштирак- чийиз вуйи хусуси приз- ранган телевизор Чичан Республикайин вуйи Мягьамед Юсуповдиз тув- нийи.

Багъишар тувбан шадлугъ РД- йин муф- тийин кюмекчи Мугьаммадвакил- гьажи Султанмягьмедовди ачмиш гьапнийи. Дугъу гьапи- ганси, « варитлан аьхю хушбахтвал ухъу мусурмар вуйивал ва Мугьаммад Пайгьамбарин ﷺ уммайиан вуйивал ву, гьадму бадали Аллагу Тааьлайи гьаму дюньа халкъ гьапну ва гьаму жилин ва ахиратдиь айиб варибра».

Чан тебрикан улхбаь РД- йин муфтий Аьгьмад- гьажи Абдулаевди гьаму серенжем заан тешкил- лувалиинди гьазур апбаз заан кьимат тувну ва Аллагу Тааьлайин кюмекниинди гележегдин гизаф йисари гьаму жорейин конкурсар тешкил апувал давам шлувалик ва диди Кафари Кавказдин аьли- мар уч апрувалик умудвал кивну.

Хъасин Чичан Республикайин диндин идарай- ин терефнаан дуфнайи Мугьаммадшериф- гьажи Дадаевдиз улхуз гаф тувнийи. Дугъу чичан халкъдин терефнаан конкурсдин иштиракчийр ва душваь гьа- либ гьахъидар тебрик гьапну ва дагъустанлуйириз учв хялижв апбаз лигну чухсагъулин гафар гьап- ну...

Хъасин РД- йин муфтий Аьгьмад- гьажи Абдулаевди дюаь гьурхнийи ва гьадму серенжем хъаькьовал мялум гьапнийи.

Гьаму мялумат «Мягьагьгала- ТВ» телекомпанияйи тувнайиб ву

ГЪЯДИС

КІВАИНДИ ГЪИБТАЙ, РАЖАБ-КЪУДРАТЛУ АЛЛАГЪДИН ۞ ВАЗ ВУ; РАЖАБДИН ВАЗЛИ ШЛИ ВУШ САБ РАЖНУКЪАН УШВ ГЪИБСИШ, КЪУДРАТЛУ АЛЛАГЪ ۞ ДУГЪКАН ГЪАДДИИНДИРА РАЗИ ХЪИДИ

«АССАЛАМ» ГАЗАТДИН ЙИГЪАР ТЕШКИЛ ГЪАПІНУ

Абьмад МЯГЪЯМЕДОВ

Шейх Сайфулла-къадиийн (к.с.) мистаъ

Июндин сифтейин йигъан Мягъячгъала шагърин рукъан рякъюн вокзликъан ярхла дарди ерлешмиш дубхънайи Шейх Сейфулла-къади Башларовдин ччвурнахъ хъайи мистаъ динагълийир уч гъахънийи. Думу серенжем «Ас-Салам» газатдин йигъ тешкил апІбаз бахш дапІнайиб вуйи.

Мажлисди гизафкъадар динагълийир уч гъапІнийи. Гъадрарин арайиъ Мягъячгъала шагъриъ газат тарабгъбиина ва подпискайин ляхнар тешкил апІбиина жалб дапІнайи гизафкъадар агъайирра айи. Гъадму йигъинжагъ Къуръандин аятар урхбалан ва «Нашидуль Ислам» кІуру дестейин иштиракчйири мевлюд кІули гъабхалан ккебгънийи.

Ислам дин вари инсаният уърхбаз вуйиб ву. Гъадму рякъюди гъягъюри, инсанари чпиз хушбахтвал абгуру, гъаму дюнъяийси, гъатмунуб дюнъяийъра. Ари гъаддиз Исламдхъна дих апІбан метлеблувал ахъюб ву. Гъадму метлебариз чпиз уьмур пайгъ-

амбрари ва гъадрарин рякъ хъапІрудари бахш гъапІну. Гъадму ахъю ва баркаллу ляхниз чпиз уьмар ихъ вахтна яшамеш гъахъи шагъидари – Сайидмугъяммад-гъяжи Абубакаровди, Къураму-гъяммад-гъяжи Рамазановди, Нурмугъяммад-гъяжи Гъажимя-гъямедовди ва хайлин жарадари твну.

Исламдин агъювалар тарагъбаъ «Ас-Салам» газатди-ра ахъю метлеблувал уйнамиш апІура. Гъаму газатдин машариъ Аллагъдин ۞ дин тарабгъру аьлимарин дюьйир чап апІури шулу.

Дурари ихъ диндин асас месълийир ачухъ апІуру ва жорбежюр суалариз жавабар твну.

Гъаддин гъякънаан гъадму серенжемдиъ удучІвну гъулху ксари – ДИУ-йин ахъюнур мялим Мугъяммаднур-гъяжи Мугъяммадовди, Шамхал поселокдин имам Ибрагъим-гъяжи Гъасановди, Мягъячгъала шагъриъ айи «Ас-Салам» газатдин вакил Мугъяммад-гъяжи Мукъушдибировди, Сайфулла-къадиийн (к.с.) ччвурнахъ хъайи мистан имам Сиражудин-гъяжи Къурбановди мяналу улхбар гъапІнийи.

Гъадму гюрюшдиъ гъацира Мугъяммад Маматхановди, Мугъяммад Рашидовди, Салават Омаровди ва жарадари мевлюд кІули гъубхънийи. «Ас-Салам» газат (Мягъячгъалайиъ дугъу сад агъзурилан зиина подписчикар тешкил гъапІну) тарабгъбаъ варитІан ужурсир вуди Салават Омаров гъисаб гъапІну ва думу автомобиллиз (ВАЗ-21099 маркайин) лайикълу гъахъну.

Гъаму серенжем кІули гъубхур газатдин менеджер Мугъяммад-гъяжи Хирясулаев вуйи.

МУСУРМАН КАЛЕНДАРИАН

Аль-Исраъ валь-Миъраж

1 « Пайгъамбар ۞ Буракъдийн элеуру ва хабарсузди кафари терефназ гъахуру (аль-Исра). Дурар саб йишвахъ дергру ва Жабраил малаикди Пайгъамбариз ۞ гъудган апІуз теклиф апІуру ва гъаму жил учв кючмиш хъуз ккайи (Гъижра) Мединайин жил ву, кІури хабар тувру. Хъа ражну дурар Тур-Синай кІуру дагъдин улихъ дийигъуру, гъадушвахъ Къудратлу Аллагъди Муса пайгъамбарихъди ۞ гафар-чІалар гъапІну. Гъамушвахъра Аллагъди Гъаънайири ۞ гъудган апІуру ва хъасин Байт-Лахмдиз гъягъюру (Вифлеемдиз), гъадушвахъ Иса пайгъамбар ۞ бабкан гъахъну. Гъамушвахъра ихъ Пайгъамбариз ۞ гъудган апІуру. Хъасин думу Иерусалимдиз гъягъюру, Мистан дагъдихъна. Мушвахъ ярхла вуйи мистаъ (Байт-уль-Мукъаддас) Аллагъди Гъаънайир вари пайгъамбарихъди гюрюшмиш шулу, гъадрарихъди арайиъ Ибрагъим, Муса ва Иса айи, ва гъадрарихъди жямъаът-гъудган апІуру. Имамдин вазифйир Мугъяммад Пайгъамбариз ۞ кІули гъахуру.

Мист'ан удучІвуриз завариан жилина аьдатнан дару аквнан умбрар рякъюру ва сабдупну гъадрариъди завариина гъягъюру (аль-Миъраж). Думу ургби завариина за шулу, хъасин гъелелиг халкъ дапІнайи инсанарикан гъич сарра душну адру аьршдин варитІан заан кІакІназра гъягъюру.

Аль-Исра валь-Миъраж Аллагъу Тааълайи ихъ Мугъяммад Пайгъамбариз ۞ дапІнайи асас гъюрмат ву.

Миъраждиъ Пайгъамбариз ۞ инсанарин фикриъ удручІву жюрейин гизаф къадар аьламатар улупуру, дугъаз инсанари гъапІу ужувлариз дилигну тувру ужувлар улупну.

Завариз удучІвган Пайгъамбариз ۞ гъацира завун аль-Кяба рякъюру (инсанар яшамеш шлу хал), Женнет, Жегъеннем, Аьрш, Курс ва хайлин жарадарра.

Гъарсаб зав'ин думу учв тебрик апІурайи пайгъамбарихъди гюрюшмиш шулу, хъасин ачухъди Аллагъдихъди гафар-чІалар апІуру. Гъадму аьламатнан йишван Къудратлу Аллагъди мусурмнариина гъар йигъан чарасуз вуди хъуб ражну гъудган апІбан фарз илипуру.

Завариан ис гъахъи Мугъяммад Пайгъамбар ۞ Буракъдийн элеуру ва гъадму дакъикъайиъ учв нивкІ'ан уягъ гъапІу йишвахъна къяляхъ хътакуру.

Ражабдин вазликан

1 « (Къудратлу Аллагъдин ужувлар) улупура. Ва Аллагъди ۞ гъапІну (мяна): "Эй Йиз лукІар. Ичв гунгъар Йиз Жумартвалин ва Йиз Ужувлан арайиъ шлуганси гъапІунза".

Ражабдин вазли ушвар гъидисиш ужу ву. Шилхъан вари вазлиъ ушвар дисуз шулдарш, гъит гъацир касди гъадму вазлин садпи, йицІихъубпи ва ахъиримжи йигъари ушвар дисри.

Гъядисдиъ дупна: "КІваинди гъибтай, Ражаб-Къудратлу Аллагъдин ۞ ваз ву; Ражабдин вазлишли вуш саб ражнукъан ушв гъибсиш, Къудратлу Аллагъ ۞ дугъкан гъаддииндира рази хъиди".

Жарануб гъядисдиъ дупна: "Фуж Ражабдин вазлиъ гъайгъушнарикк гъахъиш, гъацир касдин жандак йибкІруган юкІв йибкІидар. Гъарсабдикан аьгъю Аллагъди ۞ гъацирин кІуллантина Ужувларин шид улубзиди ва думу чан гунгъариккан ккудучІвиди, хиял апІарваки думу гъаци бабкан духъна. Ва дугъаз Жегъеннемдиз гъауз ккайи 70 агъзур гунагъкраин шафааът гъадабгъуз ихтияр хъибди".

Ражаб вазлин сабпи хамис йигъанра ушв бисувал ужу ву, хъа гъадму хамис йигъандин къяляхъ вуйи йишвну (ясана Ражаб вазлин жвумийин сабпи йишвну) ибадатдиъ духъну ккунду. Гъадму йишвахъ Лайлатуль-Рагъаиб кІуру. Ражабдин вазлин 27-пи йишвну ихъ Пайгъамбарикан ۞ аьламатнан ляхнар ктучІвну - Аль-Исраъ валь-Миъраж Ражабдин вазлин 27-пи йигъан ушв бисувал ужу ву.

Подписчикарихъди сабсана гюрюш

Абьмад ЕВПАТОВ

Исламдин агъювалар тарагъувал лапра ахъю къадарнаъди гъисаб апІру ужувлан ляхин ву. Гъякълувалин нур инсанарихъна тарабгъру мялуматдихъан инсанарин юкІвар аку апІуз шулу, дурар ужувлан ляхнарихъна рюгъламиш апІури ва лазим даруб батІул апІури.

Гъадму ляхниъ варитІан тясирлу ва мянфяаьтлу алат мялуматар тувру дакъатар ву. Ари гъаддиз республикайин диндин идарайи ухъухъ 8 чІалниинди адабгъурайи «Ас-Салам» газатдизгъамцибдикъатлу фикир тувра. Дагъустандин жорбежюр йишвариъ газатдин йигъар кІули гъахури шулу. Гъадушвариъ гъаму изданиейин метлеблуваликан, жямъаьтлугъ рюгълувал ва эдеблувал жигъатнаан тербияламиш апІбаъ дидин метлеблуваликан ктибтури шулу.

Гъадму жюрейин серенжем июндин 15-пи йигъан Мягъячгъала шагърин Ахъушинскийин ччвурнахъ хъайи проспектдин Имам Шамилин ччвурнахъ хъайи мистаъ



кІули гъубшну. Гъадушвахъ уч духънайидарин улихъ шагърин мистарин имамари ва Дагъустандин исламдин университетдин студентари дюьйир гъурхънийи. Гъаму жюрейин мажлисарихъ аьдатнаъ убчІвнайганси, дюьйирин арайиъ нашидарин (диндин) мяълийир ва мевлюдар гъурхънийи.

Гъаму мажлисдин иштиракчйириз адлу аьлим, шагъид Къураму-гъяммад – гъяжи Рамазановдин улхбан видеозаписдихъ хъпехъуз мумкинвал гъабхънийи (гъит дугъаз Аллагъди

рягъим апІри), гъадушвахъ дугъу «Ас-Салам» газатдин метлеблуваликан кІваин гъапІнийи, мусурман ксариз гъаму изданиейиз подписка апІбаъ жанлу иштираквал улупуб тІалаб апІури.

Гъаму серенжемдиъ гъацира газат тарабгъбаъ варитІан активвалиинди иштирак гъахъи ксариз багъишар тувнийи.

Мажлис кІули гъубхур «Ас-Салам» газатдин Мягъячгъала шагъриъ айи вакил Мугъяммад-гъяжи Мукъушдибиров вуйи.

УЧВУ ИЧВ ХИЗАНДИЗ ХПИР КАДАГЪАЙ, ГЪЯКЪЛУ ВУ, ХПАРИ ЧПИН ЧВЙИРИЗ ВА ЧЙИРИЗ УХШАР ВУЙИДАР БАБКАН ХУРУ

ГЪЯДИС

ИЧ РЕДАКЦИЈАЙИЗ КАГЪАЗ

ГъяжитӀагъир Маллааълиев,
Табасаран райондин Хъарагъ гъул

Учуз гъубзрайиб увуз чухсагъул пувал ву

Дюз гъапиш, Табасаран райондин Хъарагъ гъулъан вуйи ихъ мусурман гъардаш ГъяжитӀагъир Маллааълиевди гъаму ражну учуз дибикнаи кагъаз бегъемди гъурххъан, гъаму зи ихъ тувнаи кӀул чав чаланди арайиз гъафну, гъаз гъапиш ГъяжитӀагъир халу гъарган «Ассалам» газатдихъди мюгъкам аьлакьа уьбхюрайир ву. Гъаддиз учу увуз, ГъяжитӀагъир халу, кӀваантӀан чухсагъул мялум апурача ва гъит уву Аллагъдин ﷻ рякъюз дих апурайи гъарсаб гаф жара мусурман гъардшариз ва чйириз ебхъри.

Гъамус гъадму кагъаз вуйи - вуйибси туврача

Гъюрматлу вуйи «Ассалам» газатдин коллектив! Гъюрматлу вуйи «Ассалам» газат урхру ватанагълийир!

Учван саб ляхин хаиш апураза: гъаму ГъяжитӀагъири «Ассалам» газатдиз гъаз гъамцдар макъалир диклури шуйкӀан, гъаму касдиз фу дигиш апуз ккунди айкӀан, даршиш узу гъамцир вуза кӀури учв улупуз ккунди бикӀрудар вуйкӀан, кӀури ичв фикирназ дархуб.

Гъаз узу жорбежюр макъалир диклуру?

Сар касдиз гъван гъивиш, а-я, а-я, иццу гъапдиз, кӀури шулу. Сар касдиз къуткӀлиб кубкъиш, даккун шулу. Жямаятдин арайиш гафар апуб алахъган, гъамци кӀуру: «Вари тахсрар апурайидар маллийрна гъакимар ву».

Ари гъамци йиз ибариз ебхъруган, уларизра рякъруган, макъалир диклури шулза. Амма узхъан дигиш апуз шлуб адар, я учвхъанра хъибдар, анжагъ Аллагъ ﷻ кюмек дархъиш. Я рабби, Аллагъди ﷻ

ужувлахъинди дигиш дапӀну, харживлан ляхнар ярхла апури! Амин!

Адмийири кӀуру гафар дюз вуйин, дюз дарин ари лигухъа.

Газатдин машариь узу асихъ бикӀурайибдиь фунур маллайи, фунур имамди гъапи гафар вуш, ччвурар



диклуз ккундарсуз, гъаз гъапиш дурариз гъагъиди рякъбиди. Гъамциб мисалра а: «Гъякъ пиган, уларируб кубчвганси асар (тясир) апуру».

Сар имамдикан ужуб хабар айи касди узуз гъамци гъапнийи: «Мугъяммад Пайгъамбари ﷺ гъапу кӀур: «Йиз умматарин ляхнар къюб ляхни ужура апиди, къюб ляхни харжира апиди». Гъадмуган сар аьсгъабийи Мугъяммад Пайгъамбариз ﷺ суал тувну: «Я расулуллагъ, гъадму къюб ляхин фйир ву?». Пайгъамбари ﷺ гъапу: «Альимарна гъакимар ужуди гъахъиш, йиз умматдин ляхнарра ужу хъиди, хъа аьлимарна гъакимар харжиди гъахъиш, йиз умматдин ляхнарра харжи хъиди». Сар дишагълийи гъамци гъапири кӀуру: «Узу узухъна гъафи касдиз Аллагъди ﷻ яв кӀулъина гъамциб шадвал ясана пашманвал гъюз мумкин ву, кӀури шулза, яни фал китри Хъа йиз хулаз берекет ибшри, кӀури 7-8 мевлюдра гъапунза. Гъаму къанди мевлюддиз

чав дих гъапдари арайиш сар аьлимра айи. Дугъу гъапнийи: «Уву фал китри амива?»

- «Ав, амиза».

Дугъу гъапнийи: «4-пи нумрайин жегъеннем увузра, увухъна гъафидаризра- 4-пи нумрайин жегъеннем». Му Дербент районди гъабши ляхин ву.

Хъа Табасаранди гъамциб ляхинра гъабхъну. Илимдикан хабар вуйи касдиз суал тувну: «Мистъан акбар апуру, хъа узхъан дина гъюз шуладарзухъан, амма гъаммишан узъин али фарзар узурра апулрза, йиз хулаь айидарира». Гъамци гъапиган, гъадму имамди «кафир шул», кӀури жаваб тувру. Тмуну касдира фикир гъапу: «Сарун узурра, йиз хулаь айидарра кафирар шулуш, йиз думу гъудгнар дапӀну фтиз ву хъа. Гъич сабра дарапӀарча».

Дугъан кӀваз гъациб фикир гъафнушра, амма думу касди чан ляхин давам апурашул. Ари гъийин деврин улихъ хъайи ксари гъамцдар гъаракатар апуруган, адмийири гъакимаризна аьлимариз кӀурудар дюз ву, пуз шулу.

РЕДАКЦИЈАЙИН ТЕРЕФНААН:

Гъюрматлу ГъяжитӀагъир халу! Гъит уву дибикнаи гъаму макъалайин зиин ихъ мусурман гъардшарира чпин фикрар ашкар апури ва гъациб аьгъвалатназ чпира лайикълу къимат туври. Хъа яв кагъзиь айи суалариз вуйи жавабариз, иншаАллагъ, учу гъюру ражну (авгъустдиь удубчӀвру «Ассалам» газатдин машариь) жаваб тувуз чалишмиш хъидича. Гъит Аллагъди ﷻ ухъуз гъарсариз ужувлан ляхнариз шерик хъуз амур апури! Амин!

ХАЙИРЛУ ТЕКЛИФАР

Диндихъ кӀваантӀан хъугъай

Ислам диндиь ачухъди дупнаи лазим вуйи къадар аьгъювалар гъадагъбахъна кӀвахънивал улупну ккундар. Эгер диндиь дупнаиб яна гъудган апувал чарасуз дубхъну ккунивалин, хъа чяхир ва жорбежюр жара алкоголин шейъар уьбхъувал, чиркин тамшир апувал къадагъа дапӀнаивалин кӀвахънивал аш, дицир кас диндихъ мягърум хъувалик гъисаб ву.

Дин къабул апувал ва дидин шартӀар кӀулиз адагъувал динди Исламдиь дидикнаи саягъниинди кӀули духну ккунду. Думу философари ва табиаьтдин илимдин аьгъювалар туврайи аьлимари кӀуру саягъниинди хъугъну ккунивал кӀуру гаф дар. Гъюрматлу Мугъяммад Пайгъамбари ﷺ дупнаиб саягъниинди хъугъуб лазим ву.

Динагълийи анжагъ Къудратлу Аллагъдин ﷻ ччвурнахъан ккун дапӀну ккунду ва къадагъа дапӀнаиб даккун апуб лазим ву. Первердигариз багахъна вуйи мусурман ксар ккун дапӀну ккунду ва Исламдиз гафариинди ва ляхнариинди душманвалиь айидар ккун дапӀну ккундар.

Гъадму даккнишин кӀваь убчӀвнади ккунду. (Мусурман дару ихъ ватандашарихъна ва туристарихъна имшавалиинди

янашмиш хъуб лазим ву, жвуван ужуб аькъвлиинди, ихъ диндихъна ккунивалин гъиссар хругансиб саягъниинди).

Гъякълу мусурманар хъугъругансиб саягъниинди, ихъ Пайгъамбарин ﷺ ва дугъан аьсгъабарин гъякълу рякълан улдудугди, дюзди гъягъюрайидарин саягъниинди диндихъ хъугъну ккунду.



СУАЛАРИ ЖАВАБАР ТӀАЛАБ АПУРА

— Накъваригъ (никъаригъ) гъайи гъарин йимишар итӀуз, хурагнак кауз хай шулин?

— Накъваригъ битмиш шулайи гъарарин мейвийир итӀуз хай шулу. Эгер дурар вакъфу вуш Эгер гъадму накъваригъ йишв (никъар) сар касдин ихтиярнаь айиб вуш, думуган дугъан терефнаан ихтияр ади ккунду.

«Фатхуль му'ин»

— Дишагълийириз Аллагъдин ﷻ ччвур кайи уччвушнар, хъитӀуз, алахъуз хай шулин?

— Дишагълийириз Аллагъдин ﷻ ччвур кайи уччвушнар алахъуз, хъауз хай шулу, хъа амма дугъу учв туалетдиз гъягъруган чахъди гъитну ккундар, дурар жибдиь ивну ясана палатдин кӀанакк жин дапӀну ккунду.

Рамазан аль-Бути,
«Ма'а Ннас»

"АССАЛАМ" ГАЗАТДИЬ ГИРАМИ БИКӀБАР А, ДУРАР МАРЦЦИ ДАРУ ЙИШВАРИХЪ ДИРЧУЗ ШАРИАЬТДИ ИХТИЯР ТУВРАДАР

ХАЙИРЛУ ТЕКЛИФАР

Эвел ккудушу нумрийрирь

БАГЪДАДДИАН ВУЙИ ХАЛИД

Фасул

Агъю аплинки, гъар йисан саб швнуд йигъ а ки, гъадму йигъари ушв бисувал суннат ву, яни гъар гъяфтайи, гъаму жвумийиан гъатмунуб жвумийи-из-итни йигъан ва хамис йигъан ушв бисувал. Гъаз гъапиш Пайгъамбари ﷺ риваят гъаплину: гъар жвумийи инсанди гъаплину вуйи аъмалар, ккунш ужувлар ишри, ккундушсана харживлар-малаикари завариз хъади гъягъюру. Мумкин ву, гъадму кьюби йигъари ушвар гъиди-сиш, Аллагу Тааълайин багахъ аъмал аплуб, къабул аплуз умудвал кивуз шул. Ва хъана гъар вазли айямул бизи йигъари яни вазлин 13, 14, 15-ди ушв бисувал суннат ву. Гъаз гъапиш Адам пайгъамбар ﷺ женнетдиан дюнъийиз гъафиган, дугъан жасад гунгъариан клару гъабхънийи, Гъаму шубуд йигъан ушв гъибису, жасад лизи гъабхъи, нурлу гъабхъи. Гъаци вуйиган муъмин касди гъаму шубуд йигъан ушв гъибисиш, жегъеннемдиккан ккадахъур клури, умуд кивуз шулу. Хъана суннат ву мугъяррамдин вазлин 9-диъ, 10-диъ (Арафайин машкван улихъ йигъан) шаввалин вазликан 6 ушв бисуб суннат вуйивал гъисаб даплина.

Хъана риваят гъабхъи: сар касди Арафайин йигъан ушв гъибисиш, 20 йисандин гунгъарин каффарат аплур. Хъана суннат ву шаввалин вазликан 6 ушв бисбан суннат. Гъаз ву клури гъерхиш, Рамазандин вазли гъидису ушварик нукъсанвал кади гъабшиш, гъаму 6 ушв бисбинди нукъсанар дюз (камил) шул.

Агъяди хъуб ужу ву, фицики гъяфтайиъ жвуми йигъан, ясана шембе (султ, киш) йигъан ялгуз ушв бисувал макругъ ву, эгер саб жара йигъара сатли даплину ушв гъибисиш, гъаддикан зарар адар. Жвуми йигъанна шембе (султ, киш) йигъан чиб-чпихъди сатли даплину хай шул.

Агъю аплин: гъар йисан 5 йигъан ушв бисувал гъарам ву: кьюби машквар йигъари-Къурбан-машкван къяляхъ вуйи шубуд йигъан-зулгъижжайин вазлин 11-ди, 12-ди ва 13-ди. Мурариз айями ташрифдин йигъар дупну клуру. Эгершли гъаму 5 йигъан ушвар гъидисиш, ушвар батлил шул, Аллагъдихъна ﷻ аьсси шул. Хъана шаклуди вуйи йигъан ушв бисувал макругъ ву. Месела, шаклу вуйи йигъ фунуб вуш агъю аплин. Аввал, фаамма ваз рябкъювал сабит

«Зубдатул Ислам»

дубхъну адар, амма завук кайи амсра-дифра ктар, гъаци шаклу шул-гъи Рамазандин ваз вуш ясана дарш агъдар-

ган (шлуган) ушварин къаза аплуру.

Эгер сар касдин сефериз (алвер) алабхъиш, ушвар гъи-

сад йис дубхъну кьюдпи йисаъ убчвнайиб. Мал убккури гъахъиш, кьюд йис тамам дубхъну шубубпи йисаъ убчвнайиб.



ди. Гъаци вуйиган гъадму йигъан ушв бисувал макругъ даршул. Сар касдин вирд хъади гъабхъиш, хамис йигъан ушв бисури, гъадму касди гъибисну клури зарар адар.

Сар кас йигъну Рамазандин вазли хпирихъди сатли гъахъиш, гъадму касдин къаза аплуб важиб шул ва каффаратра важиб шул. Кафарра гъадму ву-сар лукл азад аплуб. Эгер лукл масу гъадагъуз къудрат адарш, кьуб вазли хъади-хъади ушвар дисуру. Эгер ушвар дисузра къудрат адарш, 60 мискиндин хураг гъивру ва гъарсар мискиндин са-сабмиъ дяхин (сеърин юкъуб пайнакан саб пай) тувру. Эгер сар кас ушвар дидрисди имиди кечмиш гъахъиш (гъаклиш), ушв дибрису гъарсад йигъандин ушварин кафарра вуди сабмиъ дяхин тувуз важиб шулу. Эгер сар кас гъаят къаби гъахъиш, гъадму касдихънди вазлин ушвар дидрисбан каффарра вуди 30 миъ (сабмиъ сеърин юкъубдик саб пай ву) дяхин тувру.

Эгер сар бицир хъайи дишагълийи бицир зяйиф хъувалихъан гучбу ушвар гъитиш, хъасин чахъан удукъру-

тру, къаза аплуру, хъа дяхин гъар ушвнихънди вуйиб (сабмиъ) тувурдар. Эгер чахъан сабмиъ йисан дидрису ушвар кьюдпи йисанра дисуз дархъиш, гъарсаб ккудубшу ушвин 2 миъ дяхинра тувру ва ккудубшу ушвин къазара аплуру.

Къурбан - машквар (Къурбан-байрам) муаккада вуйи суннат ву

Къурбан аплбан машквар къайд аплувал гъарсар мусурман касдиз суннат ву. Зулгъижжайин вазлин 10-ризкъан клул алдрапди, тубарин шибар алдради гъитуб. Хъанара мустажаб-афсал вуйиб, эйсийи чав убккуб ваяки убккури айи йишвахъна гъязур хъуб. Расул ﷺ -дихъан риваят гъабши: сар адмийи къурбан аплбан бадали убккури гъабшиш, сабмиъ къатра йифи гардандин гъубшуб жилик кубклиган, гъадму касдик кайи вари гунгъарин аьфв аплур, клури дибиклна.

Къурбан аплувал (убккувал) шубуб гъяйванатдин ихтияр а. Месела, якъ вая марч-

Чарва сар касдихъан ккирсну убккуру. Мал ваяки деве ургурихънди къурбан аплуз хай шулу. Убккурайиб лизиб, чагъиб вуди гъабхъиш, савабзияда артухъ шул. Убккруган хулан эйсийи я чав убккуру, я сар вакилиз убккуз гъитру. Шли убккурушра, нийят даплину ккунду. Мал-чарва убккбан нийят гъамци аплуру: "Аллагъумма гъаза минка ва илейка фатакъаббал минни. Бисмллагъи Аллагу акбару"-гъамци дупну Пайгъамбар ﷺ диана салаватра хуру. Хъа шартI ву ликуб, кетлебцнайиб, ибар камди вуйиб дубхъну ккундар.

Къурбан аплбан-убккбан вахт саб жидайин ягълишнаъди ригъ гъудубчвган убккуру.

Авла вуйиб гъадму ву ки, къурбан аплбан бадали гъубкку чарвайин гъацI чпиз гъибтишра хай шулу, хъа кьуб пай садакъади пай аплуз. Хъа саб пай чпиз гъибтуб ужу ву. Фукъан цибди чпин хизандиз гъибтну гизафсиб пай садакъади тувувал ужу ву-афсал ву.

Гъякъикъа

Расул ﷺ дихъан риваят гъабхъи. Саб хизандиъ бицир бабкан гъахъиган бай гъахъиш,

къуб чарва, хъа риш бабкан гъахъиш саб чарва убккувал суннат ву. Эгер суннат тамам дарапиш, гъиямат гъабхъи йигъан абайизна бабаз думу бали яшуру шафааъ дараплур. Гъубкку чарвайин клуруб дюгъериан дюрюргъди адагъну, йиккун садакъа аплуру ва ургудпи йигъан ччвурра иливурру, клулра алдаплуру. Клуллан алдау чларарин гъагъишнан къадар гъизилин ваяки арсран садакъа тувру, амма гъякъикъайин садакъа тувбан вахт бицирин вахт балигъ хъайиз гъубзру. Бицир бабкан жара гъахъиган мустажаб ву, гагул ибахъ къамат, арччул ибахъ азан-акбар, бицирин ушвнихъ хурма ваяки меъли шейъ ужу ву. Ургудпи йигъан суннатра аплуб саваб ву.

Муртат хъуб

Муртат гъацир касдиз клуру - ислам къатI аплурииз - гъадабIрурииз, мусурман диндиз къаршуди гъягърурииз, хачраз сужда аплурииз. Къуръандин дафтар нажасат кайи йишваригъ гъипуб, гъялал ляхниз гъярамуб ву гъапиш, ккунш ачухъди мелзаланан ваяки кIваан гъапиш, къастнаан, ваяки къасустIан гъапишра кафир шул. Эгер сар касди тмунурииз: Эй, кафир, мина гъач! гъапиш, ккунш кIваанIан, ккундушсана къасустIан, гъадму кас учв кафир шул. Эгер сар кафири сар мусурман касдиз "Узуз шагъадат келима улулава, мусурман шулза" клури гъапиш, тмунури кафирииз улдрупиш, гъадму мусурман касдикан кафир шул. Эгер сар касди тмунурииз "Яв тубарин щабар (щибар) алдатI, гъаз гъапиш думу Пайгъамбарин ﷺ-дин суннат ву!" клури гъапиш, тмунури «алдатIурдарза!» клури гъапиш, кафир шул.

Эгер сар касди "Эй, жугъуд!" клури дих гъапиш, хъа тмунури "Лабейка!, фу вуяв?" клури гъапиш, тмунури "Лабейка!" гъапири-кафир шул. Сар касди тмунурихъан "Иман фу ву?" клури гъерхиш ва "Агъдарзуз!" клури гъапиш, кафир шул. Сар касди "Фуланин кас узуз малакул-мавтси рякъюрзуз, думу йиз душман вуйиз" клури гъапиш, кафир шул. (Малакул-мавт - жан гъадабгъру малаик).

Гъаму зиихъ къайд даплинайидарикан хъана артухъди агъю аплуз ккунири жара дафтаризра лигри.

Таржума гъаплур
С. АСКЕРОВ ву

ГЪЯКЪЛУ ВУ, АЛЛАГЪУ ТААБЛАЙИЗ БАЖАРАНЛУДАР, ЯНИ СЯНЯАТКРАР ККУНДУ

ГЪЯДИС

СУАЛАРИ ЖАВАБАР ТИАЛАБ АПИУРА

Эгер гъудгнин жиклурайи вахтна штун клиентер (литнар) шид айи бедрейизди ахнуш, думуган гъадму бедрейи айи штухди гъудгнин жиклуз хай шулин?

— Эгер гъадму штун литнар кьалудар вуйиш (яни нажас), думуган гъадму штухди гъудгнин жиклуз хай шулдар, гъаз гъапиш 216 литрийхна вуйи кьадарнаъди вуйи шид дарш, циб вуди гьисаб аплуру, хъа эгер гъадму литнар марцци штукан аьмалназ думунайидар вуш, думуган хай шулу. Эгер гъадму шид гъудгнин жиклбалан кьяляхъ гъубзнайиб вуш, думуган, «Фатхул аьлами» клуру дафтриъ дибикнайиганси, хай шулу, эгер гъаддик кахнайдидар никкдин ясана сокран литнар вуш. Эгер штун ранг ва ниъ дигиш шулдарш, гъюдюхюрдарш, хай шулу, хъа дигиш шулуш- шулдар.

Гъаки касдин багахълуйрихъан дугъхъанди накъвдихъ (никърихъ) Къуръан урхбан ва салават апбан бадали ихтияр гъадагъувал лазим шулин?

— Ваъ, гъаз гъапиш думу садакъа ву ясана ихъ терефнаан кечмиш гъахъи касдиз ужуб ляхин аплувал вуди гьисаб аплуру.

Узуз ич хулаъ гъамци клури шулу, фицики аьлимари мусурмариз ляхин дапну ккундар, Аллагу Тааблайи Чав ухъуз ипруб - убхъруб тувиди клури шулу. Гъаму гафариз узу фициб жаваб тувну ккунду?

— Гъаму жюрейин гафар Ислам фтиз клуруш ва аьлимар фузар вуш аьгъдру ксари клурудар ву. Гъич сар аьлимдира гъацдар гафар дарапур. Пайгъамбари ﷺ гъапу: «Гъякълу ву, Аллагу Тааблайи бажаранлудар, яни сянъаьткрак ккунду».

Имамдихъан нюкягъ аплуз ва гъаддихъди сабси жилириз гъягъюрайи швушван терефнаан вали хъуз ихтияр айин, эгер думу дишагълийиз багахълуйирикан гъич фужклар адарш?

— Эгер жилириз гъягъюрайи дишагълийиз гагай-



ин терефнаан багахълуйи адарш, думуган имамдихъан валийин йишв бисуз шулу ва нюкягъ аплузра шулу.

Нюкягъ чюбгъбалан кьяляхъ муганайиздин жилириз ич кьюд йисандин риш чяхъна гъадагъуз ккунду. Гъар ражну гъалмагъал арайиз гъюру. Узу фу дапну ккунду?

— Гъелелиг бицирин яш тамаюздин дережайиз дарфидикъан гагъди (яни чав чалланди ужубна харжиб чиб- чпихъан жара аплуз хъайизкъан, чав чалланди иплури ва убхъури хъайизкъан, велед чан дадайихъди духъну ккунду, хъа гъадму яш хъпан кьяляхъ дугъаз чаз шлихъди гъузну ккундуш ктабгъувалин ихтияр а, хъасин, эгер чаз ккун гъабхъиш, тмунорихъна гъягъюз шулу. Эгер дадайин ва гагайин терефнаан нукъсанар аш, яни гъудган аплурдарш, чпи лайикъсузди улупураш ясана дада жара жилириз швуваз гъушнуш, думуган гагайиз велед чяхъна гъадагъуз ихтияр тувра.

«Мингъаж»

Хпири гъац зарифат бадали чан жилириз увхъан гъудучивну гъягъюрза гъапнийи, хъа жилири дугъан гъаму гафариз гъац зарифатниинди гъамциб жаваб тувнийи: «Нагагъ гъягъюз ккаш, шурпа убхъбалан кьяляхъ гъарах сарун!»

Гъадму гафарра нюкягъ чюбгъювалихъди аьлакьалу дарди гъапидар вуйи.. Гъамциб дюшюшдиъ нюкягъ чюбгъюрин?

— Исламдиъ гъацдар гафар а, фицики дурар мелзналан алдагъан нюкягъ чюбгърудар, зарифат бадали ва кьвантан гъапнушра. Мисал

вуди гъадабгъиш «узу увхъди вуйи нюкягъ чюбгъюрза». Дурариз саригъ клуру. Гъац вуйиган зарифат дапну ккундар.

Жара жюрейин гафар-чаларин фикрарра а, мисал вуди гъадабгъиш, «Хулаз гъарах», гъамушваъ вари ниятнакан асиллу ву. Дурариз кьанатар клуру. Яв суалра гъадму жюрейиз дахил шулайиб ву. Эгер ният аш, нюкягъ чюбгъювал арайиз гъюру, эгер гъациб ният адарш, думуган нюкягъ чюбгъюрдар.

Мюридар чпи-чпихъна фици янашмиш духъну ккундуш йипайчва.

— Гъарсар мюридиз жаранур учвтан ужуйи дяркъну ккунду. Сар устазди гъапу, фицики, эгер сар мюриди тмуноур мюридиз гъурмат аплурдарш, узуси, думу мюрид дар. Гъамциб рябатлувал неинки мюридариз, хъа гъацари вари мусурман жямъаьтлугъдиз хас дубхъну ккунбу ву- мусурман гъардаш учвтан ужуйи рякъюб.

Гъачниндин экперапайиз улихъна 5 минут ккимиди тагъажуд- гъудган аплувал алабхъну. Гъац аплуз хай шулин?

— Эгер уву гъачниндин экпер апайиз улихъна 5 минут ккимиди хъуркънуш, думуган яв гъудган тагъажуд вуди гьисаб аплуру.

«И, анату талибин»,
4-пи пай

Саб мазгъабдиан тмуноуб мазгъабдиз рягъятди гъягъюз хай шулин?

— Саб мазгъабдиан тмуноуб мазгъабдиз рягъятди гъягъюз ихтияр тувра, гъаз гъапиш дурар вари барабар вуйидар ву, хъа амма гъамциб шарт ади, фицики гъадму касди

сабми мазгъаб тьякъид дапну ккундар ва дугъаз кьюбпи мазгъабдин вазифйир аьгъяди ккунду, талфикъ дарапбан бадали, яни саб шариаьтдин кьарариъ жюрбежюр мазгъабарин шартлар ишлетмиш аплури. Эгер гъац аплуруш, думуган ибадат (Аллагъдиз гъуллугъ аплувал) гьисаб шулдар.

Йиз сар мялим дишагълийи, чан ахъю яшар хъайизкъан (70 йис) гъижаб алабхъури гъахъну, хъа гъаму улихънаси думу илдибтну. Гъац аплуз хай шулин?

— Гъадму дишагъли 70 йисан хал тикмиш гъапурииз, хъа гъаму думу дабгъурайириз ухшар ву.

Гъац аплуз неинки сар гъадугъаз, хъа гъацари имбу дишагълийиризира хай шул ляхин дар. Дугъаз теклифар тувай ва дугъуна гъацдар жарадари дюз аплурадар, клури йипай.

Эгер хуйин нажасдик ясана гъидкъик куркънуш ва гъадму йишв сифте гъумрахъди, хъасин штухъди гъибикънуш, гъац аплуз хай шулин ясана ругдихъди марцц аплувал чарасуз вуйинхъа?

— Нажасдихъди кабцлу йишв 7 ражну штухъди марцц дапну ккунду ва саб ражну ругдихъди, штухъди гъибикъну, хъа гъумрахъди хай шулдар.

«Фатхуль му, ин»

Рузнама

август

дни	утрен.	восх.	обеденный	послеобед.	вечерн.	ночн.
1	3.37	5.38	12.55	16.52	20.14	21.58
2	3.39	5.40	12.55	16.52	20.13	21.56
4	3.43	5.41	12.55	16.51	20.10	21.53
6	3.47	5.44	12.55	16.50	20.07	21.50
8	3.50	5.46	12.55	16.50	20.05	21.47
10	3.52	5.48	12.54	16.48	20.03	21.42
12	3.55	5.51	12.54	16.47	20.00	21.39
14	3.58	5.53	12.54	16.46	19.58	21.35
16	4.01	5.55	12.52	16.44	19.55	21.30
18	4.05	5.58	12.53	16.43	19.52	21.27
20	4.08	6.00	12.52	16.41	19.48	21.22
22	4.12	6.02	12.52	16.40	19.45	21.18
24	4.14	6.04	12.51	16.38	19.43	21.15
26	4.18	6.07	12.51	16.36	19.39	21.11
28	4.21	6.09	12.50	16.34	19.36	21.06
30	4.25	6.11	12.50	16.33	19.33	21.10

БАШСАГЪЛУГЪВАЛ

«Ассалам» газатдин редакцияин коллективди клулин редактор Ягъ, я- гъяжи Мугъяммадовдин **ККУНИ ДАДА**

кечмиш хъувал дерин пашманвалиинди мялум апбахъди сабси, дугъаз, хизандиз ва багахълуйирииз башсагълугъвал ккун аплура.

Гъит Аллагу Тааблайи ухъуз гъаму дюньийи артухъди ужувлар хуз амур апри! Амин

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ

заместитель муфтия РД Махди-хаджи МУТАИЛОВ Мухаммад-Закир ЮСУФОВ

Редактор
Пирмагомед КАСИМОВ

Канонический редактор
Мухаммад-хаджи МУХАММАДОВ

Художник
Саид САИДОВ

Компьютерная группа
Асият ХАНОВА
Ахмед МАГОМЕДОВ

Менеджер
Мухаммад ХИРИЯСУЛАЕВ

При перепечатке ссылка обязательна. Набрано и сверстано на компьютерной базе газеты «Ас-Салам».

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).
Свидетельство о регистрации ПИ № ФС 10-6401 от 15 декабря 2006 г.
Индекс 51325
Отпечатано в ООО «Дом печати» по адресу: пр-т Акушинского, 20. Заказ № _____

Сдано в печать 12 июля 2008 г.
Тираж 1 000 экз.
Адрес редакции
367015, РД, г. Махачкала, ул. М. Ярагского, 128.
Тел.: (8722) 61-00-64.
По вопросам подписки и доставки обращаться по телефонам:
по Республике Дагестан — 8-988-699-28-24 по г. Махачкале — (8722) 914-222.
E-mail: info@assalam.ru; www.assalam.ru